


VII. ҚОРХОНА ВА ОБЪЕКТЛАРНИ ХУСУСИЙЛАШТИРИШ



Ўзбекистон Республикаси давлат активларини бошқариш агентлигининг маълумотига кўра, 2019 йилнинг январь-декабрь ойларида 842 та (дастур доирасидаги ва дастурдан ташқари объектларни қўшган ҳолда) қорхона ва объектлар (кейинги ўринларда - объектлар) хусусийлаштирилди.

Хусусийлаштиришнинг асосий кўрсаткичлари (2019 йил январь-декабрь ҳолатига)

	Хусусийлаштирилган қорхона ва объектлар сони		Давлат активларини сотишдан олинган тушумлар	
	бирлик	жамига нисбатан фоизда	млн. сўм	жамига нисбатан фоизда
Ўзбекистон Республикаси	842	100,0	480038,6	100,0
Қорақалпоғистон Республикаси	67	8,0	3378,3	0,7
<i>вилоятлар:</i>				
Андижон	111	13,2	5640,7	1,2
Бухоро	47	5,6	25229,9	5,3
Жиззах	37	4,4	5248,1	1,1
Қашқадарё	64	7,6	3498,3	0,7
Навоий	29	3,4	10591,6	2,2
Наманган	77	9,1	32370,7	6,7
Самарқанд	34	4,0	8645,3	1,8
Сурхондарё	60	7,1	6463,9	1,4
Сирдарё	26	3,1	1451,4	0,3
Тошкент	117	13,9	11267,3	2,3
Фарғона	112	13,3	19342,1	4,0
Хоразм	31	3,7	3781,1	0,8
Тошкент ш.	30	3,6	262632,2	54,7
Агентлик МА	-	-	80497,9	16,8

Ҳисобот даврида энг кўп хусусийлаштирилган объектлар сони Тошкент вилоятида 117 та (13,9%), Фарғона вилоятида – 112 та (13,3%), Андижон вилоятида – 111 та (13,2%), Наманган вилоятида – 77 та (9,1%), Қорақалпоғистон Республикасида – 67 та (8,0%), Қашқадарё вилоятида – 64 та (жами республика бўйича хусусийлаштирилган объектлар умумий сонининг 7,6%)ни ташкил этди.

Қорхона ва объектларни хусусийлаштириш



2019 йилнинг январь-декабрида вазирлик ва идоралар кесимида хусусийлаштирилган давлат объектларининг таркиби (жамига нисбатан %да)




Хусусийлаштирилган давлат мулки объектлари таркибида энг кўп улуш маҳаллий ҳокимиятларга 574 та объект (республика бўйича жами хусусийлаштирилган объектларнинг 68,2%), Уй-жой коммунал хизмат кўрсатиш вазирлиги – 80 та (9,5%), Соғлиқни сақлаш вазирлиги – 59 та объект (7,0%), Давлат активларини бошқариш агентлиги – 35 та объект (4,2%), Халқ таълими вазирлиги – 19 та объект (2,3%), Молия вазирлиги – 16 та объект (1,9%) тўғри келади.

2019 йилнинг январь-декабрида давлат мулкини сотишдан тушган тушумлар 480,0 млрд. сўмни ташкил қилди.



2019 йилнинг январь-декабрида республика ҳудудлари кесимида давлат мулкини сотишдан тушган тушумлар таркиби (жамига нисбатан %да)



Ҳудудлар кесимида давлат мулкини сотишдан тушган тушумларнинг асосий қисми Тошкент шаҳрига (барча тушумларнинг 54,7%), Агентлик МА (16,8%), Наманган (6,7%), Бухоро (5,3%), Фарғона (4,0%), ва Тошкент (2,3%) вилоятлари ҳиссасига тўғри келади.


Корхона ва объектларни хусусийлаштириш



➤ Давлат нотуражой фондидан самарали фойдаланиш мақсадида 2019 йилнинг январь-декабрида объектларни ижарага бериш бўйича 32,4 мингдан ортиқ ижара шартномалари тузилди.



➤ Натижада, 5,3 мингдан ортиқ янги иш ўринлари яратилди.



➤ Давлат мулкни ижарага беришдан тушган тушумлари жами 178,6 млрд. сўмни ташкил этди.



➤ Ҳудудлар кесимида давлат мулкни ижарага беришдан тушган тушумларнинг асосий қисми Тошкент шаҳрига (барча тушумларнинг 55,4 %), Сурхондарё (9,7 %), Тошкент (5,8 %), Андижон (3,9 %) ва Хоразм (3,5 %) вилоятлари ҳиссасига тўғри келади.

Статистик кўрсаткичларга изоҳлар

Давлат тасарруфидан чиқариш – давлат корхоналарини ва ташкилотларини хўжалик ширкатлари ва жамиятларига, оммавий мулк бўлмайдиган бошқа корхоналар ва ташкилотларга айлантиришдир.

Хусусийлаштириш – жисмоний шахсларнинг ва давлатга тааллуқли бўлмаган юридик шахсларнинг оммавий мулки объектларини ёки давлат акцияли жамиятларининг акцияларини давлатдан сотиб олишидир.

Давлат кўчмас мулк объектлари бўйича савдолар (ким ошди савдолари) – сотувчи ёки кўчмас мулк ташкилоти, шунингдек ким ошди савдолари ва ким ошди савдоларини ташкил этиш ва ўтказиш бўйича хизматларни кўрсатувчи ихтисослашган ташкилот, шу жумладан электрон шаклда Ўзбекистон Республикаси Вазирлар Маҳкамаси томонидан белгиланган тартибда давлат кўчмас мулк объектларини сотишни ташкиллаштириш.

Харидор - қонун ҳужжатларига мувофиқ давлат мулки бўлган кўчмас мулк объекти (бундан буён матнда олди-сотди шартномаси деб юритилади) учун сотувчи билан олди-сотди шартномасини тузган нодавлат юридик ёки жисмоний шахс (Ўзбекистон Республикаси резиденти ёки норезиденти).

Инвестиция мажбурияти – инвестор томонидан инвестиция лойиҳасида назарда тутилган муайян мақсадларга эришиш учун олган мажбурияти.

Ижтимоий мажбуриятлар – пул қийматига эга бўлмаган ва қонунга зид бўлмаган шаклларда амалга ошириладиган давлат мулкни сотишда харидор томонидан қабул қилинган мажбуриятлар.

Аукцион – танлов асосида харидор билан савдонинг шакли, бунда унга энг юқори нархни таклиф этган иштирокчи давлат мулкни сотиш шартномасини тузиш ҳуқуқини олади. Аукционлар очик ёки ёпиқ бўлиши мумкин.

Балансда сақловчи – балансида давлат кўчмас мулки бўлган юридик шахс.

Бошланғич нарх – ким ошди савдосига очик мулкни бериш учун сотувчи томонидан белгиланган нарх.